

Prop. 41 S

(2009–2010)

Proposisjon til Stortinget (forslag til stortingsvedtak)

Om endringar i statsbudsjettet for 2009 under Forsvarsdepartementet

*Tilråding frå Forsvarsdepartementet av 13. november 2009,
godkjend i statsråd same dagen.
(Regjeringa Stoltenberg II)*

1 Føremål og hovudoversikt

1.1 Føremål

I denne proposisjonen legg regjeringa fram forslag om endringar i løyvingar i forsvarsbudsjettet for 2009. Siktemålet er å skape best mogleg samsvare mellom løyvingane under dei einskilde kapitla og postane, og endringar i budsjettføresetnadene som har skjedd sidan forsvarsbudsjettet for 2009 vart utarbeidd.

På grunn av den komplekse samansetjinga av kapitla, med svært variable storleikar, er omgrupperingsproposisjonen eit naudsynt verktøy for å sikre god økonomistyring i forsvarssektoren. Tiltak for å møte endringar i føresetnadene som oppstår i gjennomføringsåret, vert såleis handsama samla og formalisert på rett måte. Regjeringa er oppteken av å halde omfanget av omgrupperingane på eit så lågt nivå som mogleg.

Omgrupperingsproposisjonen tek mellom anna føre seg styrking av prioritert verksemd på budsjetta til Forsvarets logistikkorganisasjon, norske styrkar i utlandet, fellesinstitusjonar under Forsvarsstaben, og kulturelle og allmennyttige

føremål, for å dekkje høgare kostnader enn budsjettert. Vidare er enkelte kapittel foreslått redusert grunna nødvendig justering av aktivitetar i løpet av året. Ei slik justering er ein naturleg del av gjennomføringa av aktivitetar og viktig for at forsvarssjefen kan styre innanfor dei overordna økonomiske rammene. Proposisjonen baserer seg såleis på forsvarssjefen si militærfaglege tilråding. Vidare syner omgrupperingsproposisjonen viktige budsjettekniske endringar, til dømes overføring av budsjettansvar mellom kapitla. I tillegg vert lønnskompensasjonen for 2009 og meirinntekter for 2009 foreslått formalisert. Totalt utgjær omgrupperinga ein auke i løyvinga til Forsvarsdepartementet på 264,415 mill. kroner.

1.2 Grunnlaget for omgrupperinga

1.2.1 Økonomisk grunnlag

Grunnlaget for omgrupperinga er vedtatt budsjett for 2009, midlar ført over frå 2008 og dei seinare endringane gjort av Stortinget. Det er òg teke omsyn til forsvarssektoren sin del av lønnskompensasjonen for 2009 (135,397 mill. kroner).

Tabell 1.1 Faktisk løyving på utgiftssida, før omgruppering 2009, kjem fram slik (i 1 000 kroner)

Vedteke budsjett 2009	33 458 296
Innst. S. nr. 139 (2008-2009), jf. St.prp. nr. 37 (2008-2009)	
– <i>Om endringer i statsbudsjettet 2009 med tiltak for arbeid</i>	88 000
Innst. S. nr. 350 (2008-2009), jf. St.prp. nr. 88 (2008-2009)	
– <i>Lønnsregulering for arbeidstakere i det statlige tariffområdet 2009 mv.</i>	135 397
Innst. S. nr. 355 (2008-2009), jf. St.prp. nr. 67 (2008-2009)	
– <i>Tilleggsbevilgninger og omprioriteringer i statsbudsjettet 2009 (RNB)</i>	630 400
Innst. S. nr. 366 (2008-2009), jf. St.prp. nr. 89 (2008-2009) <i>Om endringer i «Regulativ for tillegg o.a. til utskrivne vernepliktige mannskap» («soldatproposisjonen»)</i>	15 919
= Faktisk løyving før omgruppering	34 328 012
+ Midlar ført over frå 2008	739 134
= Disponible midlar i 2009 før omgrupperinga	35 067 146

Tabell 1.2 Disponibel løyving på inntektssida, før omgruppering 2009, kjem fram slik (i 1 000 kroner)

Vedteke budsjett 2009	787 802
Innst. S. nr. 355 (2008-2009), jf. St.prp. nr. 67 (2008-2009) – <i>Tilleggsbevilgninger og omprioriteringer i statsbudsjettet 2009 (RNB)</i>	111 000
= Løyvingar før omgruppering	898 802

1.2.2 Inntekter i 2009

I høve til vedteke budsjett for 2009, med dei seinare endringane gjort av Stortinget, er det ei meirinntekt på 264,415 mill. kroner som er foreslått lagt til

utgiftssida. Det vert i denne samanhengen vist til Forsvarsdepartementet sin meirinntektsfullmakt i St.prp. nr. 1 (2008-2009) under romartalsvedtak II.

Tabell 1.3 Løyvingsbehov på utgiftssida i samband med omgrupperingsproposisjonen vert slik (i 1 000 kroner)

Auke på utgiftssida grunna meirinntekter førde til utgiftssida	264 415
= Sum behov ved omgrupperinga	264 415
+ Løyvingar før omgrupperinga	34 328 012
= Samla løyvingar etter omgrupperinga	34 592 427
+ Midlar ført over frå 2008	739 134
= Samla disponible midlar i 2009 etter omgrupperinga	35 331 561

Tabell 1.4 Løyvingsbehovet på inntektssida i samband med omgrupperingsproposisjonen vert slik (i 1000 kroner)

Løyvingar før omgrupperinga	898 802
Meirinntekter	264 415
= Løyvingar etter omgrupperinga	1 163 217

Regjeringa foreslår på denne bakgrunn, under forslag til vedtak, at både utgifts- og inntektsramma vert auka med 264,415 mill. kroner.

1.2.3 Utgifter

Tala i tabellane nedanfor syner netto endringar på dei ulike postane. Utgiftstabellen er inkludert fordeling av meirinntekter.

Tabell 1.5 Postfordeling utgifter (i 1 000 kroner)

Post	Føremål	Mindreutg./Meirutg.+
01	Driftsutgifter	433 809
21	Spesielle driftsutgifter	-408
24	Driftsresultat	-100 000
43	Til disposisjon for Forsvarsdepartementet	-11 640
44	Fellesfinansierte byggje- og anleggsarbeid, nasjonalfinansiert del	13 600
45	Store nyskaffingar	144 689
47	Nybygg og nyanlegg	-104 965
48	Fellesfinansierte byggje- og anleggsarbeid, fellesfinansiert del	-118 000
50	Overføringar Statens pensjonskasse	-8 000
60	Tilskott til kommunar	-500
73	Forsking og utvikling	-1 300
75	Fellesfinansierte byggje- og anleggsarbeid, Noregs tilskott til NATOs investeringsprogram for tryggleik	6 630
78	Noregs tilskott til NATOs driftsbudsjett	10 500
Sum		264 415

1.2.4 Inntekter

Tabell 1.6 Postfordeling inntekter (i 1 000 kroner)

Post	Formål	Mindreinnt. /Meirinnt.+
01	Driftsinntekter	320 126
45	Store nyskaffingar	48 689
48	Fellesfinansierte byggje- og anleggsarbeid, fellesfinansiert del	-104 400
Sum		264 415

2 Hovudtrekk ved utgifts- og inntektsendringane på postnivå

2.1 Utgifter

Den totale utgiftsramma er auka med 264,415 mill. kroner. Driftsbudsjettet er totalt foreslått auka med 322,461 mill. kroner, medan investeringsbudsjettet er foreslått redusert med 58,046 mill. kroner.

Nedanfor er dei viktigaste endringane forklart på post- og kapitelnivå.

2.1.1 Post 01 Driftsutgifter

Post 01 er foreslått auka med totalt 433,809 mill. kroner.

Forsvarssjefen har tilrådd ei justering på dei ulike kapitla for å omdisponere til meir prioritert verksemd på budsjetta til Forsvarets logistikkorganisasjon, norske styrkar i utlandet, fellesinstitusjonar under Forsvarsstaben, og kulturelle og allmenntnyttige føremål. Ei slik justering er viktig for at forsvarssjefen skal kunne nå dei måla som er sett for Forsvaret si verksemd i 2009.

Post 01 er foreslått tilført 320,126 mill. kroner i meirinntekter frå dei ulike inntektskapitla på driftssida. Posten er vidare foreslått netto tilført 87,835 mill. kroner frå post 47 *Store nyskaffingar* grunna omdisponering til naudsynt styrking for å gjennomføre dei igangsette materiellinvesteringsprosjekta. Grunna lågare utgifter enn budsjettet er det vidare foreslått å omdisponere 11,640 mill. kroner frå post 43 *Til disposisjon for Forsvars-*

departementet, 8 mill. kroner frå post 50 *Overføringar til Statens pensjonskasse* og 4 mill. kroner frå post 45 *Store nyskaffingar*. I tillegg er posten foreslått auka med 1,3 mill. kroner ved å omdisponere frå post 73 *Forskning og utvikling*, 0,5 mill. kroner frå post 60 *Tilskott til kommunar* og 0,408 mill. kroner frå post 21 *Spesielle driftsutgifter*.

Kap. 1700 Forsvarsdepartementet

Post 01 er foreslått auka med 1,3 mill. kroner.

Auken gjeld omdisponeringar grunna meirbehov knytt til prosjekt for oppfølging av veteranar frå Gulfkrigen, og meirbehov knytt til gjennomføring av handlingsplan for haldningar, etikk og leiing i forsvarssektoren.

Kap. 1719 Fellesutgifter og tilskott til føretak under Forsvarsdepartementet

Post 01 er foreslått auka med 7,066 mill. kroner.

Auken gjeld omdisponeringar grunna meirbehov i samband med diverse miljøoppryddingsprosjekt knytt til skyte- og øvingsfelt, samt miljøopprydding i Marvika utanfor Kristiansand i 2009 (5 mill. kroner). Det er viktig at forsvarssektoren følgjer opp sitt miljøansvar og ryddar etter seg der verksemd er lagd ned. Posten er vidare tilført 2,6 mill. kroner grunna høgare kostnad knytt til stillingar i utlandet. Posten er òg foreslått tilført 0,5 mill. kroner i meirinntekter. Meirinntekta har ei tilsvarende ikkje-budsjettert utgiftsside, jf. omtale under kapittel 4719, post 01. I tillegg er det foreslått tekniske justeringar som samla gjev ein reduksjon på 1 mill. kroner.

Kap. 1720 Felles leiings- og kommandoapparat

Post 01 er foreslått auka med 12,526 mill. kroner.

Det vert lågare kostnader knytt til kurs- og reiseverksemd enn venta på budsjetteringstidspunktet (15 mill. kroner). I tillegg er det foreslått tekniske justeringar som samla gjev ein reduksjon på 0,1 mill. kroner.

Kapitlet vert vidare foreslått auka i samband med overføring av budsjettansvar for eigedom, bygg og anlegg knytt til *Alliert treningssenter* frå kapittel 1740 Forsvarets logistikkorganisasjon (10,6 mill. kroner). Posten er òg foreslått tilført 17 mill. kroner grunna meirinntekter. Meirinntekta har ei tilsvarende ikkje-budsjettert utgiftsside, jf. omtale under kapittel 4720, post 01.

Kap. 1725 Fellesinstitusjonar og utgifter under Forsvarsstaben

Post 01 er foreslått auka med 16,058 mill. kroner.

Auken er mellom anna knytt til vakt- og sikringstiltak på Eggemoen (5,9 mill. kroner), kompetansebygging knytt til fagområda Austen og Kina ved Forsvarets høgskole (2 mill. kroner), samt implementering av ny hovudbok i Forsvarets rekneskapssystem SAP (3 mill. kroner). Posten er òg foreslått tilført 4 mill. kroner grunna meirinntekter. Meirinntekta har ei tilsvarende ikkje-budsjettert utgiftsside, jf. omtale under kapittel 4725, post 01. I tillegg er det foreslått tekniske justeringar som samla gjev ein auke på 1,2 mill. kroner.

Kap. 1731 Hæren

Post 01 er foreslått redusert med 49,850 mill. kroner.

Hæren har lågare kostnader knytt til kurs- og reiseverksemd enn venta på budsjetteringstidspunktet (30 mill. kroner). Vidare gjeld reduksjonen omdisponering av identifisert mindrebehov på posten (20 mill. kroner). Midlane er foreslått omdisponert til høgare prioritert verksemd, mellom anna på budsjetta til Forsvarets logistikkorganisasjon og norske styrkar i utlandet. I tillegg er det foreslått tekniske justeringar som samla gjev ein reduksjon på 1,9 mill. kroner.

Posten er òg foreslått tilført 2 mill. kroner grunna meirinntekter. Meirinntekta har ei tilsvarende ikkje-budsjettert utgiftsside, jf. omtale under kapittel 4731, post 01.

Kap. 1732 Sjøforsvaret

Post 01 er foreslått redusert med netto 20,028 mill. kroner.

Sjøforsvaret har lågare kostnader knytt til kurs- og reiseverksemd enn venta på budsjetteringstidspunktet (24,2 mill. kroner). Vidare gjeld reduksjonen omdisponering av identifisert mindrebehov på posten (15 mill. kroner). Midlane er foreslått omdisponert til meir prioritert verksemd mellom anna på budsjetta til Forsvarets logistikkorganisasjon og norske styrkar i utlandet. I tillegg er det foreslått tekniske justeringar som samla gjev ein reduksjon på 2,8 mill. kroner.

Kapitlet vert vidare foreslått auka med 4,6 mill. kroner grunna utviding av rekruttskulen ved *KNM Harald Haarfagre*. Vidare er kapitlet foreslått auka ved omdisponeringar som følgje av at Sjøforsvaret utfører grunnleggjande rekrutt- og befalsskuleutdanning på vegner av Luftforsvaret

(15,5 mill. kroner). Posten er òg foreslått tilført 1,9 mill. kroner grunna meirinntekter. Meirinntekta har ei tilsvarende ikkje-budsjettert utgiftsside, jf. omtale under kapittel 4732, post 01.

Kap. 1733 Luftforsvaret

Post 01 er foreslått redusert med netto 27,139 mill. kroner.

Luftforsvaret har lågare kostnader knytt til kurs- og reiseverksemd enn venta på budsjetteringstidspunktet (24 mill. kroner). Vidare gjeld reduksjonen omdisponering av identifisert mindrebehov på posten (15 mill. kroner). Midlane er foreslått omdisponert til meir prioritert verksemd, mellom anna på budsjetta til Forsvarets logistikkorganisasjon og norske styrkar i utlandet. Vidare er kapitlet foreslått redusert ved omdisponeringar som følgje av at Sjøforsvaret utfører grunnleggjande rekrutt- og befalsskuleutdanning på vegner av Luftforsvaret (15,5 mill. kroner). Posten er vidare redusert med 5,7 mill. kroner som følgje av at Heimevernet utfører utdanning av utskrive befal på vegner av Luftforsvaret. I tillegg er det foreslått tekniske justeringar som samla gjev ein reduksjon på 4,3 mill. kroner.

Posten er òg foreslått tilført 37,4 mill. kroner grunna meirinntekter. Meirinntekta har ei tilsvarende ikkje-budsjettert utgiftsside, jf. omtale under kapittel 4733, post 01.

Kap. 1734 Heimevernet

Post 01 er foreslått redusert med netto 0,149 mill. kroner.

Heimevernet har mellom anna lågare kostnader knytt til kurs- og reiseverksemd enn venta på budsjetteringstidspunktet (10 mill. kroner). Midlane er foreslått omdisponert til meir prioritert verksemd, mellom anna på budsjetta til Forsvarets logistikkorganisasjon og norske styrkar i utlandet.

Post 01 er òg foreslått tilført 5,7 mill. kroner som følgje av at Heimevernet utdannar befal på vegner av Luftforsvaret. Posten er vidare tilført 2 mill. kroner grunna overføring av budsjettansvar for Kongsvinger festning. I tillegg er det foreslått tekniske justeringar som samla gjev ein auke på 2,2 mill. kroner.

Kap. 1740 Forsvarets logistikkorganisasjon

Post 01 er foreslått auka med netto 334,804 mill. kroner.

Posten er foreslått tilført 227,4 mill. kroner grunna meirinntekter. Dette er ei endring av teknisk karakter og skuldast i all hovudsak sal av drivstoff og tenester til allierte og samarbeidsnasjonar på øving i Noreg. Meirinntekta har ei tilsvarende ikkje-budsjettert utgiftsside i 2009, jf. omtale under kapittel 4740, post 01.

Annan auke gjeld i all hovudsak omdisponeringar frå andre delar av forsvarsbudsjettet for å dekkje meirbehov knytt til den løyvingfinansierte delen av kapitlet (114 mill. kroner). Grunnen er eit ynskje om å styrkje Forsvarets logistikkorganisasjon si evne til å støtte styrkeprodusentane og Forsvaret elles med tilgjengeleg logistikk, materiell og forsyningar til operasjonar heime og ute. Meirbehovet skuldast òg høgare kostnader knytt til årsverk samt eigedom, bygg og anlegg enn venta på budsjetteringstidspunktet, grunna mellom anna forseinka utrangering av eigedom, bygg og anlegg. I tillegg er det foreslått tekniske justeringar som samla gjev ein auke på 4 mill. kroner.

Posten er i tillegg redusert mellom anna med 10,6 mill. kroner grunna overføring av budsjettansvar for eigedom, bygg og anlegg knytt til *Alliert treningssenter* til kapittel 1720 Felles leiing- og kommandoapparat.

Kap. 1760 Nyskaffing av materiell og nye bygg og anlegg

Post 01 er foreslått netto auka med 86,052 mill. kroner.

Auken er knytt til naudsynt styrking av drifta for å kunne gjennomføre planlagde materiellinvesteringar i 2009 (95 mill. kroner). Over tid har Forsvarsdepartementet søkt å auke omsettingsevna i investeringsporteføljen, og situasjonen er no at omsetjing av løyvinga på kapittel 1760, post 45 har høg grad av realisme. Forsvarets logistikkorganisasjon har behov for auka tildeling av gjennomføringsmidlar for å oppretthalde den høge omsetjingsevna for inneverande år. Mangel på gjennomføringsmidlar kan få konsekvensar for framdrifta i store delar av prosjektporteføljen ved at mange nye prosjekt vil måtte få utsett oppstart og den planlagde styrkinga av investeringsverksemda bli bremsa tilsvarende. Posten er òg foreslått tilført 1,8 mill. kroner grunna meirinntekter. Meirinntekta har ei tilsvarende ikkje-budsjettert utgiftsside, jf. omtale under kapittel 4760, post 01.

Posten vert vidare foreslått redusert med 10,7 mill. kroner knytt til mindrebehov i samband med analyse, plan og utgreiingsarbeid i 2009.

Kap. 1790 Kystvakta

Post 01 er foreslått redusert med 14,955 mill. kroner.

Kystvakta har lågare kostnader knytt til kurs- og reiseverksemd (2,9 mill. kroner) og lågare drivstoffutgifter enn venta på budsjetteringstidspunktet (11 mill. kroner). I tillegg er det foreslått tekniske justeringar som samla gjev ein reduksjon på 1,1 mill. kroner.

Kap. 1792 Norske styrkar i utlandet

Post 01 er foreslått auka med 68,338 mill. kroner.

Auken gjeld mellom anna omdisponering frå kapittel 1792, post 45 knytt til lønn i samband med utrusting og klargjering av fregatten Fridtjof Nansen i samband med deployering til antipiratoperasjonar utanfor Somalia (*European Union Naval Force Operation ATALANTA* – EU NAVFOR ATALANTA) (4 mill. kroner). Posten er vidare foreslått tilført 6 mill. kroner til å dekkje førebuingkostnader knytt til innsetting av ein norsk mentoreringseining for afghansk politi i Faryab-provinsen i Afghanistan (PMT) frå sommaren 2010. Posten er òg foreslått tilført 23,6 mill. kroner grunna meirinntekter. Meirinntekta har ei tilsvarende ikkje-budsjettert utgiftsside, jf. omtale under kapittel 4792, post 01. Posten er vidare foreslått auka med 0,240 mill. kroner for å dekkje kostnader i samband med deltaking av eit fotballag frå Afghanistan på *Norway Cup* i 2009. Anna auke gjeld omdisponering frå andre kapittel for å dekkje meirutgifter ved Noregs bidrag i Afghanistan i 2009 (34,5 mill. kroner). Dette gjeld mellom anna auka kostnader knytt til reservedelar som følgje av meir bruk av pansra køyretøy, eit større ansvarsområde i Afghanistan og at kostnadene til internttransport har auka meir enn venta på budsjetteringstidspunktet.

Kap. 1795 Kulturelle og allmenntilgjengelige føremål

Post 01 er foreslått auka med 19,786 mill. kroner.

Auken gjeld mellom anna meirbehov i samband med gjennomføring av Forsvarskonserten 2009 (5,3 mill. kroner). Posten er òg foreslått tilført 4,5 mill. kroner grunna meirinntekter. Meirinntekta har ei tilsvarende ikkje-budsjettert utgiftsside, jf. omtale under kapittel 4795, post 01. Annan auke gjeld omdisponering frå andre delar av forsvarsbudsjettet for å dekkje meirbehov i samband med etablering av *Forsvarets avdeling for kultur og tradisjon* (FAKT).

2.1.2 Post 21 spesielle driftsutgifter

Kapitel 1735 Etterretningstenesta, post 21 vert foreslått redusert med 0,408 mill. kroner.

2.1.3 Post 24 Driftsresultat

Det er foreslått at Forsvarsbyggs driftsresultat vert endra med 100 mill. kroner, frå -940 til -1 040 mill. kroner, for naudsynt styrking av kapittel 1760 *Nyskaffing av materiell og nye bygg og anlegg*, post 45 *Store nyskaffingar*.

2.1.4 Post 43 Til disposisjon for Forsvarsdepartementet

Løyvinga representerer ein reserve for Forsvarsdepartementet. I 2009 er løyvinga nytta til å dekkje ymse meirbehov, mellom anna innsetting av ei norsk mentoreringseining for afghansk politi i Faryab-provinsen i Afghanistan (PMT), økonomisk støtte til Glomdalsmuseet for ferdigstilling av arbeidet med å gjenreise *Melgården østseter*, samt å dekkje kostnader i samband med deltaking av eit fotballag frå Afghanistan på *Norway Cup* i 2009. Posten er foreslått redusert med 11,640 mill. kroner for å dekkje ymse meirbehov på andre kapittel og postar.

2.1.5 Post 44 Fellesfinansierte byggje- og anleggsarbeid, nasjonalfinansiert del

Posten er foreslått auka med 13,6 mill. kroner for å starte opp IKT-prosjektet ved *Joint Warfare Centre* (JWC) i Stavanger.

2.1.6 Post 45 Store nyskaffingar

Post 45 er foreslått auka med netto 144,689 mill. kroner.

Kap. 1760 Nyskaffing av materiell og nye bygg og anlegg

Post 45 er foreslått auka med 148,689 mill. kroner.

Auken er knytt til naudsynt styrking av materiellinvesteringar i 2009 (100 mill. kroner). Arbeidet med å oppretthalde den høge omsetjingsevna i investeringsporteføljen inneber eit behov for å styrkje kapittel 1760, post 45. Dersom styrkinga ikkje vert gjennomført, vil ei rekkje betalingsmilepælar flyttast inn i 2010. Prognosane tilseier at porteføljen for 2010 vil bli fullt ut forplikta. Forsvarsdepartementet meiner difor det er mest føremålstenleg, med omsyn til styring

av porteføljen, å møte betalingsmilepælane for 2009 ved å styrkje kapittel 1760, post 45 som foreslått. Posten er òg foreslått tilførd 48,7 mill. kroner grunna meirinntekter. Meirinntekta har ei tilsvarende ikkje-budsjettett utgiftsside, jf. omtale under kapittel 4760, post 45.

Kap. 1792 Norske styrkar i utlandet

Post 45 er foreslått redusert med 4 mill. kroner.

Reduksjonen gjeld lønnsutgifter knytt til utrusting og klargjering av fregatten Fridtjof Nansen i samband med deployering til antipirateroperasjonar utanfor Afrikas horn (EU NAVFOR ATALANTA). Midlane vert omdisponerte til kapittel 1792, post 01. Grunnen er at Forsvaret har utført arbeidet ved eigne verkstedar og midlane må såleis budsjetterast på post 01.

2.1.7 Post 47 Nybygg og nyanlegg

Post 47 er foreslått redusert med netto 104,965 mill. kroner.

Kap. 1710 Forsvarsbygg

Post 47 er foreslått redusert med 114,987 mill. kroner.

Nasjonale investeringar i eigedom, bygg og anlegg (EBA) er foreslått redusert med 95 mill. kroner for naudsynt styrking av gjennomføringskostnader knytt til materiellinvesteringar under kapittel 1760 *Nyskaffingar av materiell og nybygg og nyanlegg, post 01 Driftsutgifter*. Posten er vidare foreslått redusert med 10 mill. kroner grunna om-disponering til kapittel 1792, post 47 knytt til prosjekt for oppgradering av veg frå *Camp Meymaneh* til Meymaneh by i Afghanistan. I tillegg er posten foreslått redusert med 5 mill. kroner for å styrkje kapittel 1760 *Nyskaffingar av materiell og nybygg og nyanlegg, post 75 Fellesfinansierte byggje- og anleggsarbeid, Noregs tilskott til NATOs investeringsprogram for sikkerheit*. I tillegg er det foreslått tekniske justeringar som samla gjev ein reduksjon på 4,9 mill. kroner.

Kap. 1792 Norske styrkar i utlandet

Post 47 er foreslått auka med 10,022 mill. kroner.

Auken gjeld omdisponering frå kapittel 1710 *Forsvarsbygg, post 47 Nybygg og nyanlegg* knytt til prosjekt for oppgradering av veg frå *Camp Meymaneh* til Meymaneh by i Afghanistan. Opp-

gradering av vegen er naudsynt grunna den gjennomførde auken i *Camp Meymanehs* kapasitet og den pågåande utvidinga av *Afghan National Army (ANA)*-leiren. Det vert dermed lagt til rette for at den operative tryggleiken for dei norske styrkane blir forbetra.

2.1.8 Post 48 Fellesfinansierte byggje- og anleggsarbeid, fellesfinansiert del

Posten er foreslått redusert med 118 mill. kroner.

Reduksjonen har samanheng med manglande økonomisk godkjenning av NATO-prosjekt i Noreg, noko som igjen skuldast den vanskelege finansielle situasjonen i NATO.

2.1.9 Post 50 Overføring til Statens pensjonskasse

Post 50 vert foreslått redusert med 8 mill. kroner grunna eit mindrebehov på posten i 2009.

Midlane er foreslått omdisponerte til post 01 for å dekkje ymse meirbehov.

2.1.10 Post 60 Tilskott til kommunar

Post 60 vert foreslått redusert med 0,5 mill. kroner grunna eit mindrebehov på posten i 2009.

Midlane er foreslått omdisponerte til post 01 for å dekkje ymse meirbehov.

2.1.11 Post 73 Forsking og utvikling

Post 73 er foreslått redusert med 1,3 mill. kroner grunna mindrebehov på posten i 2009.

Midlane er foreslått omdisponerte til kapittel 1700, post 01.

2.1.12 Post 75 Fellesfinansierte byggje- og anleggsarbeid, Noregs tilskott til NATOs investeringsprogram for tryggleik

Post 75 vert foreslått auka med 6,630 mill. kroner.

Auken er mellom anna knytt til høgare valuta-kurs enn venta på budsjetteringstidspunktet.

2.1.13 Post 78 Noregs tilskott til NATOs driftsbudsjett

Post 78 vert foreslått auka med 10,5 mill. kroner.

Auken er mellom anna knytt til høgare valuta-kurs enn venta på budsjetteringstidspunktet, samt endra periodisering av pensjonsforpliktingar.

2.2 Inntekter

Det er registrert netto meirinntekter på 264,415 mill. kroner.

2.2.1 Post 01 Driftsinntekter

Post 01 driftsinntekter vert foreslått auka med 320,126 mill. kroner.

Kap. 4719 Fellesutgifter og tilskott til føretak under Forsvarsdepartementet

Post 01 vert foreslått auka med 0,531 mill. kroner.

Auken gjeld sal av køyretøy (0,1 mill. kroner), og refusjon frå straumleverandørar og andre tenesteleverandørar knytt til utanlandsstillingar (0,4 mill. kroner).

Kap. 4720 Felles leiings- og kommandoapparat

Post 01 vert foreslått auka med 16,957 mill. kroner.

Auken er ei endring av teknisk karakter og skuldast refusjon av utgifter i samband med at allierte og samarbeidsnasjonar har vore på øving i Noreg. Meirinntekta har ei tilsvarende ikkje-budsjettert utgiftsside, jf. omtale under kap. 1720, post 01.

Kap. 4725 Fellesinstitusjonar og -inntekter under Forsvarsstaben

Post 01 vert foreslått auka med 4 mill. kroner.

Dette er ein endring av teknisk karakter og skuldast refusjon av utgifter i samband med at Forsvarets sanitet yter tenester til det sivile samfunn. Meirinntekta har ei tilsvarende ikkje-budsjettert utgiftsside, jf. omtale under kap. 1725, post 01.

Kap. 4731 Hæren

Post 01 vert foreslått auka med 2 mill. kroner.

Dette er ei endring av teknisk karakter og er knytt til ikkje-budsjetterte inntekter i samband med drifta av fritidsmesser. Meirinntekta har ei tilsvarende ikkje-budsjettert utgiftsside.

Kap. 4732 Sjøforsvaret

Post 01 vert foreslått auka med 1,927 mill. kroner.

Dette er ei endring av teknisk karakter og er knytt til ikkje-budsjetterte inntekter i samband med drifta av fritidsmesser. Meirinntekta har ei tilsvarende ikkje-budsjettert utgiftsside, jf. omtale under kap. 1732, post 01.

Kap. 4733 Luftforsvaret

Post 01 vert foreslått auka med 37,440 mill. kroner.

Dette er ei endring av teknisk karakter og skuldast i all hovudsak høgare inntekter knytt til ein samhandlingsavtale med Avinor AS knytt til drift av flyplassar (20 mill. kroner), tilbakebetaling av unytta utdanningsmidlar knytt til *Foreign Military Sales* i USA (15,5 mill. kroner), og refusjonar frå allierte og samarbeidsnasjonar i samband med øvinga *Cold Response* i 2009 (1,9 mill. kroner). Meirinntekta har ei tilsvarende ikkje-budsjettert utgiftsside, jf. omtale under kap. 1733, post 01.

Kap. 4740 Forsvarets logistikkorganisasjon

Post 01 vert foreslått auka med 227,366 mill. kroner.

Meirinntektene er knytt til sal av drivstoff (122 mill. kroner) og tenester til allierte og samarbeidsnasjonar på øving i Noreg (37,4 mill. kroner). I tillegg er det foreslått at posten vert auka med 68 mill. kroner knytt til avhending av materiell, mellom anna køyretøy, personleg utrusting, klede/uniformer og verktøy m.m., gjennom Forsvarets avhendingsprosjekt. Meirinntektene er av teknisk karakter og har i hovudsak ei tilsvarende ikkje-budsjettert utgiftsside, jf. omtale under kapittel 1740, post 01.

Kap. 4760 Nyskaffing av materiell og nye bygg og anlegg

Post 01 vert foreslått auka med 1,807 mill. kroner.

Dette er ei endring av teknisk karakter og er i all hovudsak knytt til tilbakebetaling av utlegg i samband med helikopterprosjektet. Meirinntekta har ei tilsvarende ikkje-budsjetttert utgiftsside, jf. omtale under kapittel 1760, post 01.

Kap. 4792 Norske styrkar i utlandet

Post 01 vert foreslått auka med 23,598 mill. kroner.

Dette er ei endring av teknisk karakter og er knytt til inntekter/refusjonar som følge av forvaltningsavtalar mellom andre samarbeidsnasjonar og FN.

Kap. 4795 Kulturelle og allmennyttige formål

Post 01 vert foreslått auka med 4,5 mill. kroner.

Dette er ei endring av teknisk karakter og er knytt til høgare inntekter enn venta på budsjetteringstidspunktet knytt til arrangement i regi av Forsvarets musikk og andre driftsinntekter knytt til festningsverk og museum.

Meirinntekta har ei tilsvarende ikkje-budsjetttert utgiftsside, jf. omtale under kap. 1795, post 01.

2.2.2 Post 45 Store nyskaffingar

Post 45 vert foreslått auka med 48,689 mill. kroner.

Auken er knytt til meirinntekter grunna konvensjonalbøter (3,7 mill. kroner) og refusjonar etter tidlegare utlegg for samarbeidsprosjekt med andre land (45 mill. kroner).

2.2.3 Post 48 Fellesfinansierte byggje- og anleggsarbeid, fellesfinansiert del

Post 48 vert foreslått redusert med 104,4 mill. kroner.

Reduksjonen er knytt til manglande økonomisk godkjenning av NATO-prosjekt i Noreg, noko som igjen skuldast omprioritering av fellesressursar i NATO. Reduksjonen i inntektene på kapittel 4760, post 48 er 13,6 mill. kroner lågare enn dei reduserte utgiftene på kapittel 1760, post 48. Det vert foreslått at 13,6 mill. kroner vert nytta på kapittel 1760, post 44 for å kunne starte opp IKT-prosjektet ved *Joint Warfare Centre* (JWC) i Stavanger.

Forsvarsdepartementet

tilrår:

At Dykkar Majestet godkjenner og skriv under eit framlagt forslag til proposisjon til Stortinget om endringar i statsbudsjettet for 2009 under Forsvarsdepartementet.

Vi HARALD, Noregs Konge,

stadfestar:

Stortinget vert bede om å gjere vedtak om endringar i statsbudsjettet for 2009 under Forsvarsdepartementet i samsvar med eit framlagt forslag.

Forslag til vedtak om endringar i statsbudsjettet for 2009 under Forsvarsdepartementet

I

I statsbudsjettet for 2009 blir det gjort følgjande endringar:

Utgifter:

Kap	Post	Føremål	Kroner
1700		Forsvarsdepartementet	
	01	Driftsutgifter, vert auka med..... frå kr. 314 875 000 til kr. 316 175 000	1 300 000
	73	Forsking og utvikling, <i>kan overførast</i> , vert redusert med frå kr. 16 273 000 til kr. 14 973 000	1 300 000
1710		Forsvarsbygg og nye bygg og anlegg	
	24	Driftsresultat, vert redusert med frå kr. -940 000 000 til kr. -1 040 000 000	100 000 000
	47	Nye bygg og anlegg, <i>kan overførast</i> , vert redusert med frå kr. 1 583 562 000 til kr. 1 468 575 000	114 987 000
1719		Fellesutgifter og tilskott til føretak under Forsvarsdepartementet	
	01	Driftsutgifter, vert auka med..... frå kr. 418 840 000 til kr. 425 906 000	7 066 000
	43	Til disposisjon for Forsvarsdepartementet, <i>kan overførast</i> , vert redusert med frå kr. 18 000 000 til kr. 6 360 000	11 640 000
	78	Noregs tilskott til NATOs driftsbudsjett, <i>kan overførast</i> , vert auka med..... frå kr. 220 000 000 til kr. 230 500 000	10 500 000
1720		Felles leiings- og kommandoapparat	
	01	Driftsutgifter, vert auka med..... frå kr. 1 818 949 000 til kr. 1 831 475 000	12 526 000
	50	Overføringar til Statens pensjonskasse, <i>kan overførast</i> , vert redusert med frå kr. 167 349 000 til kr. 159 349 000	8 000 000
1725		Fellesinstitusjonar og -utgifter under Forsvarsstaben	
	01	Driftsutgifter, vert auka med..... frå kr. 2 485 186 000 til kr. 2 501 244 000	16 058 000
1731		Hæren	
	01	Driftsutgifter, vert redusert med frå kr. 4 411 984 000 til kr. 4 362 134 000	49 850 000

Kap	Post	Føremål	Kroner
1732		Sjøforsvaret	
	01	Driftsutgifter, vert redusert med frå kr. 3 119 320 000 til kr. 3 099 292 000	20 028 000
1733		Luftforsvaret	
	01	Driftsutgifter, vert redusert med frå kr. 3 757 353 000 til kr. 3 730 214 000	27 139 000
1734		Heimevernet	
	01	Driftsutgifter, vert redusert med frå kr. 1 015 530 000 til kr. 1 015 381 000	149 000
1735		Etterretningstenesta	
	21	Spesielle driftsutgifter, vert redusert med..... frå kr. 896 043 000 til kr. 895 635 000	408 000
1740		Forsvarets logistikkorganisasjon	
	01	Driftsutgifter, vert auka med..... frå kr. 3 004 228 000 til kr. 3 339 032 000	334 804 000
1760		Nyskaffing av materiell og nye bygg og anlegg	
	01	Driftsutgifter, <i>kan nyttast under kap. 1760, post 45</i> , vert auka med frå kr. 894 643 000 til kr. 980 695 000	86 052 000
	44	Fellesfinansierte byggje- og anleggsarbeid, nasjonalfinansiert del, <i>kan overførast</i> , vert auka med frå kr. 76 615 000 til kr. 90 215 000	13 600 000
	45	Store nyskaffingar, <i>kan overførast</i> , vert auka med frå kr. 7 418 676 000 til kr. 7 567 365 000	148 689 000
	48	Fellesfinansierte byggje- og anleggsarbeid, fellesfinansiert del, <i>kan overførast</i> , vert redusert med frå kr. 345 700 000 til kr. 227 700 000	118 000 000
	75	Fellesfinansierte byggje- og anleggsarbeid, Noregs tilskott til NATOs investeringsprogram for tryggleik, <i>kan overførast, kan nyttast under kap. 1760,</i> <i>post 44</i> , vert auka med frå kr. 79 685 000 til kr. 86 315 000	6 630 000
1790		Kystvakta	
	01	Driftsutgifter, vert redusert med frå kr. 879 084 000 til kr. 864 129 000	14 955 000
1792		Norske styrkar i utlandet	
	01	Driftsutgifter, <i>kan overførast</i> , vert auka med..... frå kr. 1 492 923 000 til kr. 1 561 261 000	68 338 000
	45	Store nyskaffingar, <i>kan overførast</i> , vert redusert med..... frå kr. 63 000 000 til kr. 59 000 000	4 000 000
(ny)	47	Nye bygg og anlegg, <i>kan overførast</i> , løyvast med frå kr. 0 til kr. 10 022 000	10 022 000
1795		Kulturelle og allmennyttige føremål	
	01	Driftsutgifter, vert auka med..... frå kr. 278 909 000 til kr. 298 695 000	19 786 000
	60	Tilskott til kommunar, <i>kan overførast</i> , vert redusert med frå kr. 2 000 000 til kr. 1 500 000	500 000

Inntekter:

Kap	Post	Føremål	Kroner
4719		Fellesutgifter og tilskott til foretak under Forsvarsdepartementet	
(ny)	01	Driftsinntekter, løyvast med..... frå kr. 0 til kr. 531 000	531 000
4720		Felles leiings- og kommandoapparat	
	01	Driftsinntekter, vert auka med..... frå kr. 2 267 000 til kr. 19 224 000	16 957 000
4725		Fellesinstitusjonar og -inntekter under Forsvarsstabben	
	01	Driftsinntekter, vert auka med..... frå kr. 40 590 000 til kr. 44 590 000	4 000 000
4731		Hæren	
	01	Driftsinntekter, vert auka med..... frå kr. 3 545 000 til kr. 5 545 000	2 000 000
4732		Sjøforsvaret	
	01	Driftsinntekter, vert auka med..... frå kr. 23 672 000 til kr. 25 599 000	1 927 000
4733		Luftforsvaret	
	01	Driftsinntekter, vert auka med..... frå kr. 95 518 000 til kr. 132 958 000	37 440 000
4740		Forsvarets logistikkorganisasjon	
	01	Driftsinntekter, vert auka med..... frå kr. 230 931 000 til kr. 458 297 000	227 366 000
4760		Nyskaffing av materiell og nye bygg og anlegg	
(ny)	01	Driftsinntekter, løyvast med..... frå kr. 0 til kr. 1 807 000	1 807 000
(ny)	45	Store nyskaffingar, løyvast med	48 689 000
	48	Fellesfinansierte byggje- og anleggsarbeid, fellesfinansiert del, vert redusert med	104 400 000
		frå kr. 348 000 000 til kr. 243 600 000	
4792		Norske styrkar i utlandet	
	01	Driftsinntekter, vert auka med..... frå kr. 43 124 000 til kr. 66 722 000	23 598 000
4795		Kulturelle og allmennnyttige føremål	
	01	Driftsinntekter, vert auka med..... frå kr. 2 369 000 til kr. 6 869 000	4 500 000